



BOSNA I HERCEGOVINA
Federacija Bosne i Hercegovine
Kanton Sarajevo
Grad Sarajevo
OPĆINA NOVI GRAD SARAJEVO
- OPĆINSKI NAČELNIK -
Služba za urbanizam, imovinsko-pravne,
geodetske poslove i katastar nekretnina

Broj: 04-23-SL/16
Sarajevo, 25.10.2016.godine

Projektni tim za provođenje postupka certifikacije BFC
„Općine naklonjene biznisu“
- Ovdje -

PREDMET: Kriterijum 4 - Sistem usluga za dobijanje građevinske dozvole

Vezano za zahtjeve BFC SEE standarda, dostavljamo Vam informacije vezano za kriterijum 4.9. koji se odnosi na kriterij: "Grad/Općina pruža informacije o troškovima komunalnih priključaka koji nisu u nadležnosti LS (električna energija, telekomunikacione usluge, itd.), kako slijedi:

- tačka 1. – Objediniti cjenovnik o troškovima komunalnih priključaka u nadležnosti JP i JKP

Cijene komunalnih priključaka :

1. **KJKP "ViK", Pogon Vodovod**
Jaroslava Černija 8, Sarajevo
tel.centrala +387 33 237-655
<http://www.viksa.ba/>
2. **KJKP "ViK", Pogon Kanalizacija**
Jaroslava Černija 8, Sarajevo
tel.centrala +387 33 203-059
<http://www.viksa.ba/>

Cijene priključaka na vodovodnu i kanalizacionu mrežu u nadležnosti KJKP "Vodovod i Kanalizacija" d.o.o. Sarajevo zavise od sljedećih elemenata za izradu ponude:

- profil potrebnog priključka
- profil cjevovoda na koji je planirano priključenje
- količine neophodnih zemljanih radova

Tek nakon utvrđivanja gore navedenih elemenata, koji su uglavnom različiti za svaki objekat, moguće je izraditi odgovarajuću ponudu za izradu priključaka na vodovodnu i kanalizacionu mrežu mrežu

3. **KJKP "Toplane" Sarajevo**
Semira Frašte 22
Tel.+387 33 450-030, 450-047
<http://toplane-sa.co.ba/>

1. Izdavanje energetske saglasnosti za priključak

1.1. Saglasnost na priključak po objektu.....60,00KM

2. Naknada za priključenje na sistem centralnog grijanja

- 2.1. Za 1KW instalisane snage gdje postoji raspoloživa snaga.....10,00KM
 2.2. Za slučaj da ne postoji raspoloživa snaga naknada će se računati prema stvarnim troškovima

Napomena: cijene su bez PDV-a

4. KJKP "Sarajevogas" d.o.o. Sarajevo
Muhameda ef. Pandže br.4
Tel. centrala +387 33 445-120, 225-251
<http://www.sarajevogas.ba/>

1. Izdavanje energetske saglasnosti

- 1.1. Stambeni objekat – domaćinstvo, $Q \leq 100$ KW20 KM/kom
 1.2. Poslovni objekat, $Q \leq 100$ KW50 KM/kom
 1.3. Za $Q > 100$ KW obračun se vrši po KW 1 KW

2. Izgradnja priključka na gasnu mrežu, vertikala i gasovoda

- 2.1. Izgradnja ili sanacija priključka $\phi 32$ mm i $\phi 63$ mm - priključak dužine do 20m.....50KM/kom
 2.2. priključak dužine od 20m /svaki dodatni met./ obračunava se.....5KM/kom
 Napomena: utrošeni materijal obračunava se po prosječnim cijenama, a građevinski radovi na izradi priključka prema stvarnim troškovima
 2.3. Izgradnja ili sanacija usponskog voda (vertikala) i izgradnja ili sanacija gasovoda Utrošeni materijal obračunava se po prosječnim cijenama a troškovi montaže prema cijeni rada radnika ili prema stvarnim troškovima izvođača radova angažovanog od strane Sarajevogasa

5. JP "ELEKTROPRIVREDA BiH"
Ul. Zmaja od Bosne 49, Sarajevo
Tel. centrala +387 33 751-000
<http://www.elektroprivreda.ba/>

1. Cjenovnik usluga priključka
 1.1. Izdavanje elektroenergetske saglasnosti na 0,4 kV.....50 KM
 1.2. Izdavanje elektroenergetske saglasnosti na SN.....80KM
 1.3. Izrada elaborata optimalnog tehničkog rješenja izrade priključka kupca na SN mrežu.....600 KM
 1.4. Izrada elaborata optimalnog tehničkog rješenja izrade priključka proizvođača na SN mrežu.....1 000 KM
 1.5. Izdavanje potvrde bez izlaska na teren.....10KM

Napomena: cijene su bez PDV-a

6. KJKP "Rad" d.o.o. Sarajevo
Paromlinska 57
tel. +387 33 658-038 lok.115
<http://www.rad.com.ba/>

Komunalni priključci za odvoz otpada u KJKP "RAD" se ne naplaćuju

7. "ELEKTROPRIJENOS BiH"
Vilsonovo šetalište 15, Sarajevo
tel. +387 33 728 100
<http://www.elprenos.ba/>

"Elektroprenos BiH" nema status komunalnog javnog preduzeća, niti je registrovano za pružanje komunalnih usluga

8. "BH Telecom" d.d. Sarajevo
Zmaja od Bosne 88, Sarajevo
Tel. +387 33 664-813
<https://www.bhtelecom.ba/>

Cjenovnik usluga može se preuzeti na stranici https://www.bhtelecom.ba/usluge_bht.html

KJKP "Vodovod i Kanalizacija"

PRIKLJUČAK NA VODOVODNU I KANALIZACIONU MREŽU

Priključenje na gradsku vodovodnu i kanalizacionu mrežu, omogućeno je svim potencijalnim korisnicima gdje postoje tehničke mogućnosti za isto.

Uslovi priključenja i potrebna dokumentacija koju potencijalni korisnik treba donijeti u 'Centar za potrošače

dijele se u zavisnosti da li se radi o Pravnim licima ili o Privatnim licima .

Za PRAVNA LICA potrebna je sljedeća dokumentacija:

- Pismeni zahtjev ovjeren potpisom i pečatom
- Pravosnažna građevinska dozvola
- Načelna saglasnost (kopija)
- Ako se ovjeravao projekat priključenja na vodovodnu i kanalizacionu mrežu, za što se traži priključak, potrebna je saglasnost od ovjere projekta (kopija)
- Kopija katastarskog plana ili lokacija objekta
- Katastar podzemnih instalacija ovjeren u Zavodu za izgradnju kantona Sarajevo, i zatim ovjeren u nadležnoj općini sa ucrtanim gabaritima objekta.

Za PRIVATNA LICA potrebna je sljedeća dokumentacija:

- Pravosnažna građevinska dozvola
- Načelna saglasnost (kopija)
- Ako se ovjeravao projekat priključenja na vodovodnu i kanalizacionu mrežu, za što se traži priključak, potrebna je saglasnost od ovjere projekta (kopija)
- Kopija katastarskog plana ili lokacija objekta
- Katastar podzemnih instalacija ovjeren u Zavodu za izgradnju kantona Sarajevo, i zatim ovjeren u nadležnoj općini sa ucrtanim gabaritima objekta.

U oba slučaja, cijena izvođenja priključka zavisi od specifičnih uslova na terenu i definiše se nakon izlazaka na predmetnu lokaciju.

Prilog 1- Zahtjev za izvođenje priključka na vodovodnu i na kanalizacionu mrežu (obrazac OB-09-65)

KJKP "Toplane" Sarajevo

KJKP "Toplane-Sarajevo" d.o.o. su otvorile Centre za korisnike I to:

ČENGIĆ VILA (u ulici Džemala Bijedića do br. 72), kontakt telefon broj 033/ 678 395;

ALIPAŠINO POLJE (u ulici Semira Frašte br. 22), kontakt telefon broj 033/ 468 867;

ZETRA (u ulici Alipašina bb - Kotlovnica Zetra), kontakt telefon broj 033/ 205 372.

Radno vrijeme Centara za korisnike je od 7:30-16:00 (od ponedjeljka do petka), a subotom (prve 3 u mjesecu) je od 08:30-14:00 (izuzev CZK Zetra).

U Centrima za korisnike možete:

- uputiti zahtjev za izdavanje saglasnosti (na lokaciju, na projekat i druge saglasnosti);
- zatražiti informaciju o načinu priključenja na sistem;
- zatražiti informaciju o ugradnji mjerila toplotne energije.

Sve informacije o cjenama usluga mogu se naći na <http://toplane-sa.co.ba/cjenovnik.php>

KJKP "Sarajevogas"d.o.o.Sarajevo

PRIKLJUČAK NA GASNI SISTEM

Investitor je potrebno najprije kompletirati potrebnu dokumentaciju za priključenje na gasni sistem koji se primjenjuje u KJKP Sarajevogas-u prema sljedećim uputama:

- Po zahtjevu potencijalnog investitora izrađuje se Informacija o mogućnosti priključenja (uslugu pruža i naplaćuje KJKP Sarajevogas)
- Nakon preuzimanja Informacije o mogućnosti priključenja investitor se upućuje na izradu Projekta unutrašnje gasne instalacije (UGI) (uslugu pružaju i naplaćuju registrovana preduzeća za projektovanje)
- KJKP Sarajevogas po zahtjevu investitora izdaje Saglasnost na projekat i energetske saglasnost (uslugu pruža i naplaćuje KJKP Sarajevogas)
- Investitor vrši odabir ovlaštenog preduzeća koje će vršiti izvođenje radova na izgradnji unutrašnje gasne instalacije (uslugu pružaju i naplaćuju ovlaštene firme koje imaju potpisan ugovor sa KJKP Sarajevogas). Nakon postignutog dogovora sa investitorom Izvođač radova vrši Prijavu, pristupa izvođenju radova na izgradnji unutrašnje gasne instalacije i po završetku izvođenja predaje Izjavu o završetku izvođenja sa zahtjevom za Prvo puštanje
- Osim Prijave i Izjave o završetku izvođenja radova ugovorni izvođač, uz zahtjev za pregled UGI i prvo puštanje gasa, prilaže slijedeću dokumentaciju:
 1. Ovjeren projekat UGI –e na koji je izdata saglasnost Sarajevogasa (1 primjerak)
 2. Energetska saglasnost od strane Sarajevogasa (1 primjerak – fotokopija)
 3. BH certifikati ili pozitivan izvještaj laboratorije IGT-a o usklađenosti sa standardom ugrađenih elemenata u gasnu instalaciju (zaporni ventil cijevi, fleksibilne veze, aparate, spojne elemente)
 4. Saglasnost dimnjačara nakon ugradnje gasnog aparata (ukoliko se na instalaciju priključuju gasni aparati kod kojih se odlazni gasovi odvode u atmosferu putem dimnjaka) – original
 5. Zapisnik o izvršenom ispitivanju čvrstoće i nepropusnosti
 6. Zapisnik o izvršenom čišćenju i propuhivanju gasne instalacije
 7. Zapisnik o izvršenoj antikorozivnoj zaštiti (ako je potrebno)
 8. Atest varioca
 9. Zapisnik o izvršenom ispitivanju elektroinstalacije za priključenje plinskog bojlera
 10. Zapisnik o ispitivanju PPZ za gasne instalacije u objektima u kojima se traži Zakonom o zaštiti od požara
 11. Izjava izvođača da je UGI uradio u skladu sa tehničkim pravilom G-600 i da je instalacija spremna za pogon (priključenje)
 12. Uputstvo za rukovanje UGI
- Po završetku izvođenja radova na izgradnji unutrašnje gasne instalacije u centrima za kupce (1 ili 6) vrši se obračun i fakturisanje troškova izgradnje priključka i montaže mjerno regulacionog uređaja kako bi se dobila cijena izgradnje konkretnog priključka. Uplata se odmah može izvršiti na porto blagajni u centru za kupce Odmah po izvršenoj uplati troškova

od strane investitora (ili ugovornog izvođača) priprema se zahtjev za otvaranje naloga za izgradnju priključka i montažu mjernog uređaja.

- Nakon montaže mjernog uređaja dogovara se termin prvog puštanja gasa u instalacije korisnika gdje je obavezno prisustvo ugovornog izvođača, servisera gasnog aparata i dimnjačara (ukoliko se priključuje gasni aparat dimnjačne izvedbe). U vrijeme prvog puštanja gasa, ukoliko nema primjedbi na izeđene radove, ekipa KJKP Sarajevogas-a sa investitorom potpisuje Ugovor o snabdijevanju prirodnim gasom i uručuje mu tehničku dokumentaciju.

NAPOMENA: Troškovi iskopa trase za priključenje objekta su obaveza investitora. Ukoliko trasa priključka dijelom prolazi kroz javnu površinu neophodno je Odobrenje za prokopavanje javne površine, a iskop tog dijela trase može izvršiti samo ovlaštena firma za te poslove. Ta usluga se takođe naplaćuje od investitora prije otvaranja naloga za izgradnju gasnog priključka.

Prijem i obrada zahtjeva za informaciju o priključenju

Prvi korak u proceduri odobravanja izgradnje priključka objekta na distributivnu gasnu mrežu je da fizičko ili pravno lice u svojstvu potencijalnog kupca prirodnog gasa podnese zahtjev za izdavanje Informacije o mogućnosti priključenja (usluga se naplaćuje u KJKP Sarajevogas). Uz zahtjev se prilaže potrebna dokumentacija, a zahtjev se može predati u bilo kojem centru za kupce Sarajevogasa.

Nakon izrade Informacije o mogućnosti priključenja uposlenik centra telefonom poziva potencijalnog kupca da dođe u centar za kupce u kojem je podnio zahtjev i preuzme traženi dokument.

Izrada i ovjera projekta unutrašnje gasne instalacije (UGI)

U vrijeme izdavanja Informacije o mogućnosti priključenja uposlenik centra upoznaje potencijalnog kupca – investitora da je naredni korak u proceduri odobravanja izgradnje priključka objekta na distributivnu gasnu mrežu – izrada Projekta unutrašnje gasne instalacije (projekat UGI). Tu uslugu pružaju i naplaćuju registrovana preduzeća za izradu projektne dokumentacije.

Potencijalni kupac po sopstvenom izboru angažuje projektantsku firmu a urađen projekat UGI u 3 primjerka potencijalni kupac (ili projektant u ime kupca) uz zahtjev može predati u bilo koji od centara za kupce.

Usluga pregleda projekta, izdavanja energetske saglasnosti i saglasnosti na projektno rješenje se naplaćuje u KJKP Sarajevogas. Nakon poziva uposlenika centra potencijalni kupac može preuzeti ovjerenu projektну dokumentaciju i saglasnosti u centru za kupce u kojem je podnio zahtjev.

Izgradnja unutrašnje gasne instalacije

Tek nakon preuzimanja ovjerene projektne dokumentacije i saglasnosti potencijalni kupac (investitor) može organizovati početak izvođenja radova na izgradnji unutrašnje gasne instalacije. Tada od uposlenika u centru za kupce dobiva listu ugovornih izvođača – preduzeća koja mogu izvoditi radove na izgradnji unutrašnje gasne instalacije (UGI) i upute o narednim koracima.

Sa liste ugovornih izvođača (preduzeća koja su prošla komisijsku provjeru i ispunjavaju propisane uslove) investitor po sopstvenom izboru angažuje ovlašteno preduzeće koje će vršiti izvođenje radova na izgradnji unutrašnje gasne instalacije. Ovu uslugu pružaju i naplaćuju privredni subjekti – preduzeća koja imaju potpisan ugovor sa KJKP Sarajevogas.

Nakon dogovora sa investitorom odabrani ugovorni izvođač radova vrši Prijavu izvođenja radova, pristupa izvođenju radova na izgradnji unutrašnje gasne instalacije i po završetku izvođenja predaje Izjavu o završetku izvođenja sa zahtjevom za Prvo puštanje gasa.

Prijavu izvođenja radova ugovorni izvođač može poslati i putem faks uređaja, a izvođenje radova na izgradnji UGI može započeti u vrijeme koje je naveo u Prijavi. U slučaju eventualne promjene planiranog termina za početak i izvođenje radova na izgradnji UGI obaveza ugovornog izvođača je da o tome pismeno i blagovremeno obavijesti KJKP Sarajevogas.

Posebni slučajevi

Ukoliko je Ministarstvo za boračka pitanja Kantona Sarajevo dalo saglasnost za plaćanje troškova priključenja na ime investitora (Obrazac za subvencioniranje plaćanja troškova priključka na gasovodnu mrežu), uposlenik centra telefonom poziva kupca da dođe i izvrši uplatu troškova prokopa i uređenja javne površine (ako se projektovana trasa priključnog voda nalazi u javnoj površini a uplata nije ranije izvršena) i uplatu eventualne razlike u troškovima priključenja (ako troškovi priključenja prelaze iznos, odobren od strane Ministarstva) kako bi se ispunili uslovi za pripremu zahtjeva za otvaranje radnog naloga za izgradnju priključka i montažu MRS-a.

Ukoliko je ugovorni izvođač po odobrenju Sarajevogasa izvršio nabavku i montažu mjernog uređaja, uz Izjavu o završetku izvođenja radova dostavlja zahtijevane podatke o mjerno regulacionom uređaju.

Pri obradi zahtjeva za izgradnju priključka objekta na distributivnu gasnu mrežu u slučaju kada se projektovana trasa za polaganje gasnog voda nalazi u javnoj površini, odnosno kada je neophodno odobrenje za prokop javne površine, predmjerom materijala i građevinskih radova u okviru Informacije o mogućnosti priključenja planira se rasjecanje asfalta (betona) ili prekopavanje dijelova javne površine u svrhu izgradnje gasnog priključka. Nadležne službe KJKP Sarajevogas pripremaju podloge i druge neophodne zahtjeve do dobivanja odobrenja za prokop javne površine. Zahtjevi se podnose nadležnim organima u ime investitora u svrhu polaganja novih podzemnih instalacija. Osim toga uposlenici KJKP Sarajevogas-a izrađuju glavni projekat priključenja, pribavljaju zakonom propisane saglasnosti ovlaštenih preduzeća i institucija, pripremaju kartografske podloge i idejne skice koje treba da omoguće identifikaciju terena što podrazumijeva mogućnost identifikacije vlasnika svake parcele kroz koju je planirana trasa priključnog gasnog voda. Preuzimanje urađenih saglasnosti, odobrenja i rješenja vrši kurir preduzeća ukoliko se ta dokumenta ne dostave poštom. Za vrijeme prikupljanja propisanih saglasnosti do dobivanja odobrenja za prokop javne površine uposlenik centra telefonom poziva predstavnike preduzeća koja za Sarajevogas vrše iskop trase i uređenje zelene površine i daje im podatke o trasi priključnog voda za koju trebaju izraditi ponudu. Ponuda za izvođenje građevinskih radova će poslužiti za fakturisanje troškova građevinskih radova investitoru prije podnošenja Zahtjeva za izgradnju priključka. Odmah po preuzimanju Odobrenja za prokop javne površine uposlenik centra telefonom poziva investitora da dođe i izvrši uplatu troškova prokopa i uređenja javne površine (ako to nije ranije realizovano) i drugih prethodno opisanih troškova usluga kako bi se ispunili uslovi za pripremu zahtjeva za otvaranje radnog naloga za izgradnju priključka i/ili montažu mjernog uređaja.

Prilog 2-Zahtjev za izdavanje informacije o mogućnosti priključenja objekta na distributivnu mrežu

Prilog 3-Zahtjev za izdavanje saglasnosti na projekat i energetske saglasnost

JP "ELEKTROPRIVREDA BiH"

PRIKLJUČAK NA DISTRIBUTIVNU MREŽU

Krajni kupci imaju pravo na priključenje svojih objekata i uređaja, kada za taj priključak postoje tehnički i energetski uslovi u skladu sa odredbama Mrežnih pravila distribucije, općim uslovima za isporuku električne energije i drugim važećim tehničkim pravilima i propisima. Prije priključenja novih objekata ili promjene namjene objekta ili snage postojećih trošila krajni kupci treba da podnesu zahtjev za prethodnu elektroenergetsku saglasnost u skladu sa općim uslovima za isporuku električne energije.

Zahtjev za priključenje na distributivnu mrežu se podnosi kada je izdata elektroenergetska saglasnost, izgrađen objekat i dobijena dokumentacija kojom se dozvoljava priključenje na distributivnu mrežu.

Uz zahtjev za trajno priključenje na distributivnu mrežu krajnjeg kupca potrebno je dostaviti:

- Kopija elektroenergetske saglasnosti,

- Kopija Odobrenja za građenje ili Akt nadležnog organa da za predmetni objekat u skladu sa zakonom nije potrebno odobrenje za građenje (ukoliko traženi dokument nije dostavljen do momenta podnošenja zahtjeva),
- Dokumentacija o dokazu kvaliteta izvedenih instalacija, izjava izvođača da se objekat može priključiti na mrežu, atesti /
- Upotrebna dozvola ako zakon propisuje taj dokument,
- Punomoć za podnošenje zahtjeva,
- Ostala dokumentacija, po potrebi

Uz zahtjev za trajni pogon proizvođača potrebno je dostaviti

- Izvještaj o provedenim ispitivanjima i probnom pogonu sa izjavom da je proizvodni objekat spreman za trajni pogon;
- Pogonska uputstva za proizvodni objekat i pripadajuću distributivnu mrežu;
- Elaborat podešenja zaštita verifikovan od strane nadležne Elektrodistribucije;
- Upotrebna dozvola;
- Punomoć za podnošenje zahtjeva
- Ostala dokumentacija zahtijevana u elektroenergetskoj saglasnosti

Prilog 4 – zahtjev za trajno priključenje na distributivnu mrežu krajnjeg kupca (obrazac Z07-b)

Prilog 5 – zahtjev za trajni pogon proizvođača (obrazac Z09)

Prilog 6 – zahtjev za energetske saglasnost za krajnjeg kupca (obrazac Z03)

Prilog 7 – zahtjev za izmjenu energetske saglasnosti za krajnjeg kupca (obrazac Z04-a)

Prilog 8 – zahtjev za energetske saglasnost za proizvođača (obrazac Z06)

KJKP“Rad“d.o.o. Sarajevo

Općina se aktom broj 02/03-14-2948/16 od 29.03.2016god. se obratila KJKP I JP za dostavu informacije o cijenama snadbjevanja i komunalnog održavanja, cijene priključaka na energetske i telekomunikacione sisteme te je KJKP “Rad“d.o.o. Sarajevo dostavio informaciju da se komunalni priključci za odvoz otpada u KJKP“RAD” se ne naplaćuju i da se izdaje saglasnost za odvoz komunalnog otpada na zahtjev stranke (fizičko i pravno lice) u skladu sa članom 22. i 26. Zakona o komunalnoj čistoći (“Službene novine Kantona Sarajevo”broj 11/97) -(prilog 9,10 i 11)

Prilog 9 – Zahtjev za dostavu informacija broj 02/03-14-2948/16 od 29.03.2016god.

Prilog 10 – dostava informacije broj 02-01-07-4590/16 od 14.04.2016god

Prilog 11 – Zakon o komunalnoj čistoći (“Službene novine Kantona Sarajevo”broj 11/97)

“ELEKTROPRIJENOS BiH”

Općina se aktom broj 02/03-14-2948/16 od 29.03.2016god. se obratila KJKP I JP za dostavu informacije o cijenama snadbjevanja i komunalnog održavanja, cijene priključaka na energetske i telekomunikacione sisteme te je “Elektroprenos BiH” dostavio odgovor na zahtjev za dostavu informacija u kojem je navedeno da “Elektroprenos BiH” nema status komunalnog javnog preduzeća, niti je registrovano za pružanje komunalnih usluga (prilog 9 i 12)

Prilog 9 – Zahtjev za dostavu informacija broj 02/03-14-2948/16 od 29.03.2016god.

Prilog 12 – Odgovor za zahtjev za dostavu informacija broj 09-1811/16 od 15.04.2016god.

“BH Telecom” d.d. Sarajevo

Općina se aktom broj 02/03-14-2948/16 od 29.03.2016god. se obratila KJKP I JP za dostavu informacije o cijenama snadbjevanja i komunalnog održavanja, cijene priključaka na energetske i telekomunikacione sisteme te je “BH Telecom” d.d. Sarajevo dostavio odgovor na zahtjev za dostavu informacija u kojem je navedeno da je cjenovnik BH Telecoma podlozan čestim promjenama i da nisu u mogućnosti dostaviti cjenovnik usluga u printanoj formi. Cjenovnik usluga može se preuzeti na stranici https://www.bhtelecom.ba/usluge_bht.html (prilog 9 i 13)

Prilog 9 – Zahtjev za dostavu informacija broj 02/03-14-2948/16 od 29.03.2016god.
Prilog 13 – Odgovor za zahtjev za dostavu informacija broj 08.2.1-5.2-P1-2145/16-1 od 07.04.2016god.

- Tačka 2. – kopija okvirne ponude pripremljene za nekog od zainteresovanih investitora (povjerljivi podaci se mogu izbrisati)

Općina Novi Grad Sarajevo ne pruža usluge pribavljanja saglasnosti za investitore. Općina se aktom broj 02/03-14-2948/16 od 29.03.2016god. se obratila KJKP I JP za dostavu informacije o cijenama snadbjevanja i komunalnog održavanja, cijene priključaka na energetske i telekomunikacione sisteme kao i kopiju okvirne ponude pripremljene za nekog od investitora pa je KJKP "Sarajevogas"d.o.o.Sarajevo dostavio kopiju predračun, koja je ujedno i ponuda br.24-50/16 od 04.05.2016god., kao i uzorak iz kojeg je moguće sagledati praktičnu primjenu cjenovnika za priključenje gasa kupcu. (prilog 9,14 i 15)

Prilog 9 – Zahtjev za dostavu informacija broj 02/03-14-2948/16 od 29.03.2016god.
Prilog 14 –dostava informacije broj 0603-00-1552/16 od 13.06.2016god.

Prilog 15 –predračun br. 24-50/16 od 04.05.2016god.,

DOSTAVITI:

1. Naslovu
2. Evidenciji
3. U spisu



